

# Milions di visualizacions par YoupaTubo e Tic e Tac Furlan

*Lenghe furlane, territori e zovins a son i ingredients dai canâi YouTube e Tik Tok, 100% "made in Friûl"*

Il social in lenghe furlane a van in grant par dut il mont: a cressin cence padin e ancje i furlans emigrâts tal forest ur stan daûr. A dînusai a son i numars. Cun 58 filmâts in memorie, trê milioni di *impressions*, plui di un milion di visualizacions e passâts i undis mîl iscrits, "YoupaTubo", il canâl YouTube inviât de ARLeF – Agenzie regionâl pe lenghe furlane, mêz dopo mêz al va indevant a viodi cressi i siei numars. I siei zovins protagoniscj (Lucia Bello, Federico Benedet, Davide Buccheri, Mattia Cantarutti, Desiree Chiappo, Francesco Colombino, Nicolas Fonzar, Federico Iob, Diego Scarsini, Fabio Valvason) a son zaromai simpri plui cognossûts, sedi in rêt sedi fûr dal schermi.

Al sta lant benon ancje il canâl "Tic e Tac Furlan", li che Greta Fabbro e la sô gjate brasiliane Preta a proponin al public di Tik Tok induvinei linguistics,



*Lis fantatis e i fantats di YoupaTubo e Tic e Tac Furlan a Friuli Doc 2023.*

curiositàs, gramatiche in pirulis, tante simpatie e plui di cualchi efiet speciâl. A vuê il canâl, cun plui di otante clips publicadis, al à passât i cutuardis mil followers, al conte

plui di 133 mil "mi plâs" e al à plui di tredis millions di visualizacions. Ducj i lôr videos a puartin i zovins, e no dome lôr, a cognossi la lenghe e la culture furlane, lis lôr particolaritàs e ancje i lûcs, lis storiis e i avigniments dal Friûl.

In ocasion di Friuli Doc 2023, in Setembar, lis fantatis e i fantats di YoupaTubo e Tic e Tac Furlan a àn podût contâ cemût che e je nassude la lôr avventure digjitâl in lenghe furlane, ma soreddut disvelâ ce che al sucêt "daûr des cuintis" dai lôr videos. Te ocasion a àn fat viodi cualchi clip di chês che ju àn fats cognossi, rispuintind aes curiositàs dal public presint tal spazi "Io sono Friuli Venezia Giulia" di PromoTurismoFVG, che e à dât acet ae iniziative inmaneade de ARLeF. E je stade une ocasion rilevante par dâi valôr al furlan te suaze de plui impuartante manifestazion enogastronomiche dal territori.

Un event che al à savût tirâ la atenzion di un public di ogni età, curios di scuvierzi il mont dai social, dut par furlan!

## **In onde e ancje in linie, la gnove stagjon de trasmission pai fruts "Maman!"**

E je tacade la otave stagjon di Maman!, la trasmission televisive in lenghe furlane, coproduzion de ARLeF-Agenzie regionâl pe lenghe furlane e di Telefriuli, in onde ducj i vinars aes 18.30 e in repliche di domenîe aes 7 e aes 13.

La formule di Maman! e je un misclîç di intratigniment educatîf, spazis dedicâts al zûc, moments di diversion cui cartons animâts, leturis e musiche. Daria Miani, adun cul so cjâr gjatut Vigji, a àn chêt di intratignî i fruts dai 4 ai 8 agns di età.

La gnove serie si presente siore di rubrichis, come „La cuisine Bete”, la cuisine strambe e colorade di Daria; „Zuìn cu lis lenghis” li che i piçui fradis Max e Leo a fevelin in maniere fluente inglês, furlan e talian; „La pueste di Maman!”, là che la condutore e rispuint aes domandis dai piçui telespetatôrs; „Lein insiemi” cu la leture di flabis e contis e „Fasin un zûc”, che al cjape dentri i fruts cun zûcs e quiz. No mancjin i cartons animâts e ancje i videofumets cul piçul riç Ghitì. Par cjantâ ducj adun a son lis gnovis videocjançons di Sacheburache e chês di Vosutis te sachete. Dutis lis gnovis pontadis di Maman! a son a disposizion su la tv on demand di Telefriuli come ancje sul canâl YouTube e sul sît de ARLeF. Achi a son za presintis lis 194 pontadis des stagjons passadis e sul sît i fruts a cjataran ancje altris contignûts leâts simpri a Maman!.